

100 aña di Independencia di Filipinas: Comunidad Filipino ta invita pa fiesta riba Plaza Betico Croes awenochi



ORANJESTAD(AAN): -- Filipinas ta celebra awe Diabierna, su cien aña di independencia di Spaña.

Riba 12 di Juni 1898, general Emilio Aguinaldo a hisa e bandera blau, cora, blanco cu strea geel di Filipinas pa di prome biaha y a declara e pais independiente.

Filipinas tabata mas cu 300 aña hao bandera Spaño y a wordo yama tambe pa Rey Felipe di Spaña.

E colornan den su bandera ta para pa libertad, paz y prosperidad (blau), sanger drama den defenza di e pais durante guerra y contra comunismo (cora) y paz y puridad pa tur Filipinos (blanco).

E streanan riba e bandera ta representa e tres regionan Luzon, Visayas y Mindanao, e ocho rayonnan ta para pa e ocho provincianan di Luzon cu a uni pa hiba e prome revolucion contra Spaña, esta, Manila, Bulacan, Tarlac, Pampanga, Nueva Ecija, Laguna, Batangas y Cavite.

Den tempo di guerra, Filipinonan ta colga nan bandera cabez abao cu e parti cora pa riba.

Durante su historia, Filipinas a conoce diez bandera nacional, dependiendo di ken tabata na poder.

Esun blau, cora, blanco cu strea geel ta esun di mas bieu sinembargo y esun tambe cu tey pa keda.

Independencia di Filipinas lo no pasa keto na Aruba.

Awenochi riba Plaza Betico Croes na Playa lo tuma lugar un grandioso celebracion cultural cu speechnan, show di canto y baile, declamacion di poesia, exposicion y venta di cuminda tipico.

E celebracion aki ta organiza pa Samapiba (Asociacion di Filipinonan na Aruba) no pa hende Filipino so, sino pa henter comunidad di Aruba.

E evento riba Plaza Betico Croes lo cuminsa pa 5'or di atardi mientras cu e show lo inicia pa 7'or di anochi.

Desde 5'or, publico ta bonbini riba Plaza Betico Croes cu lo ta yena cu standnan di cuminda, bebida, souvenirs y obranan di man tipico di Filipinas.

Lo tin un stand dedica especialmente na e tesoronan nacional di Filipinas, caminda hende lo por wak tanto artefactonan como fotonan di flora y fauna, paisa-henan, edificacion historico y vistanan di Filipinas.

E show lo cuminsa cu un speech di Chido Henriquez, kende lo ta maestro di ceremonia tambe di e evento, y oracion di Pader Rey.

Despues lo tin canto di himnonan di Filipinas y Aruba pa Ami Henriquez-Mendez y coro di muchanan Filipino "Grupo Kutitap".

Esaki lo wordo sigui pa speechnan di presidente di Samapiba Bella Jiao-Lareza y pa Minister Lily Beke.

Dje y e fiesta mes lo cuminsa cu show di baile di Lahing Kayumangi y Grupo Kutitap, canto di coro Bayan Ko, Serenata, Ami Henriquez-Mendez, Grupo Kutitap, wals di Hermanas de Helen y declamacion di poema di Pader Rene y Karin Sarmiento.

Den un entrevista cu DIARIO, consehero di Samapiba Ami Henriquez-Mendez ta bisa cu tin casi mil Filipino na Aruba.

E comunidad Filipino a crece bastante, mirando cu tempo cu el a bin biba aki na 1981, tabata tin unicamente nueve Filipino na Aruba.

Den e entrevista, señora Henriquez ta bisa cu Filipinas no ta dje diferente ey for di Aruba.

E cultura di Filipinas y Aruba parce otro y mescos cu na Aruba, solo ta kima henter dia na Filipinas.

Filipinas ta consisti di 7003 isla na unda ta papia 83 diferente dialecto, 85% di e poblacion ta Catolico.

E comunidad Filipino na Aruba ta refleta e variacion grandi aki,

pero tog tur hende ta compronde otro bon, papiando e lenguahe nacional "Tagalog".

Tagalog ta 60% Spaño loke ta e motibo cu Filipinonan ta siña Papiamento asina liher y facil.

Señora Henriquez ta splica cu e mes a bin Aruba como cu el a casa cu un Arubiano, otro Filipino a yega aki tempo di LAGO.

Otronan a bin Aruba tempo cu La Cabana Resort a wordo construi via un contratista na Saoudi-Arabia.

Mas o menos 200 Filipino a yega Aruba pa traha na Hyatt Resort, despues cu e Hyatt na Baguao City na Filipinas a cay aden debi na un teremoto na comienzo di añanan '90.

Comunidad ta hopi conoci tambe

cu e pastoor Filipino, kendenan ta esunnan cu tin di haber mas directo cu hendenan di Aruba.

E prome pastoor Filipino na Aruba tabata pader Felix di Santa Cruz, sigui despues pa su ruman morochu pader Nick.

Como consehero di Samapiba, señora Henriquez ta enfatiza e importancia pa Filipinonan muestra respet pa Aruba, e pais cu a adopta nan y a tuma nan den su brazanan.

E ta pone hopi enfasis riba e necesidad pa siña Papiamento, pa adapta hende su mes na e cultura di Aruba y mas cu tur, pa mantene e bon nomber cu Filipinonan tin aki.

Riba foto, señora Henriquez durante e entrevista cu DIARIO

Scapino VIP Club

Presents:

THEIR FAMOUS

Ladies Night

ONE FREE DRINK

With

MIKE'S DISCO

FRIDAY

\$2. = Bar

LIMITED

11:30 - 12:30

HAPPY HOUR

+ **SNACKS**

Gents: Afl. 5,=

Berhardstraat #246 Tel: 842690 San Nicolaas

ARUBA

Tourism Authority

ta felicita

Colonia Filipino

cu 100 aña di

Independencia

THE WITCH Club

Diasabra Juni 12 1998

Salsa y Merengue Contest

Lo bay tin hopi premio.

Prome premio: Afl. 400,= + 1x trofeo y hopi premio mas

E publico lo bay ta hurado e anochi aki.

Lo bay ta un anochi grandioso.

Entrada Gratis

John G. Emanstr. #124

NOS TA HABRI FOR DI 11'OR AM WAK MUNDIAL DEN PANTAYA GIGANTE. TUR DRINKS NA \$2,=